

同治鄞縣志

第 四 冊

鄞縣志卷十一

壇廟上

壇

社稷壇 府社稷壇在子城西南一里齋宮在壇北舊遇祠祭率

假器服於學宮宋嘉定六年攝守程覃始備器服寶慶二年守胡

桀重修壇壝齋宮淳祐六年制帥顏頤仲命判府張琥鼎新之寶慶

志○案淳祐六年以下後守續增舊在子城西南社壇橋宋亡社廢元改建在城

西隅大卿橋鄞縣社壇以附郭未建延祐志明洪武初拓其故址築

壇五丈高三尺四出陞各三級繚以周垣設四門埋石北向社右

稷左後用木主題曰府社府稷之神而鄞則統祭於府正統三年

知府鄭珞新其門垣建齋宿房神廚庫房牢牲房久圯成化二年

知府王達重修尋廢嘉靖三十年知府孫宏軾重修嘉靖三十五

年知府張正和鼎新之嘉靖志今門垣房庫俱廢惟壇存歲以春秋

仲月上戊日致祭

國朝雍正五年部頒定式每案用羊一豕一帛一劍一籩四棗栗

鹽藁魚豆四韭菹醢醢菁菹鹿脯簋二黍稷簋二稻粱曹志道光二

十五年重建牆宇周志

元總管王元恭議社主土稷主穀勾龍平水土祀以配社后稷
植百穀祀以配稷風師箕星也雨師畢星也社稷自天子之都
至於國里通得祭而風雨師唐以來諸郡始得祀若雷師則又
唐制與雨師同壇共牲而祀者也王制曰天子社稷皆太牢諸
侯少牢謹按大元通制春秋二仲戊日祭社稷於西南郊立春
後丑日祭風師於東北郊立夏後申日祭雨師雷師於東南郊
社稷壇於城西南度地之宜方二丈五尺高三尺四出
陸三等築垣為四門於內社東稷西社稷壇其制一也
明范欽撰記郡故有社稷壇在子城西南勝國初徙今地已乃
合祀風雲雷雨我明就故壇增拓專祀社稷壇廣五丈高三尺
四出階各三級上樹石主北向外設四門繚以周垣視昔蓋嚴
且備正統三年知府鄭公珞肆加營葺成化三年知府方公達
稍飾治之於今且百年矣雨水風日侵齧剝蝕蒼莽叢生蛇龜
窟穴又鄰比闔閭舟徒絡繹雞豚四集積垢成阜守人曠情莫

或訶禁每值齋日所司輒寄民居苟且卒事率以爲常南昌張
公正和來蒞喈曰予奉聖天子命典社稷顧茲荒陋將何以對
越明神於是按規度宜掄材程役芟其蕪翳品其階列壇壝式
崇松柏羅植門垣翼衛局鐫惟謹西又構齋廬五十餘楹井庫
庖湏錯陳臚列始事丙辰冬十一月至明年二月僦工適舉春
祀公率吏民咸赴齋所靖其肅謐卽事之夕天朗氣和牲醴圭
潔香幣芬郁登拜奠獻秩秩有度儼若明神陟降左右神咸忻
喜秋遂大有穫咸稱神貺昭答吾鄆尹京口夏君儒謁予紀其
事夫社稷之祀肇自顓頊蓋社神主土稷神能生五穀人非土
不立非穀不生故咸秩祀其位社左稷右其土視方其木視宜
其表以樹其尸或以主其玉兩圭有邸其牲太牢或少牢其幣
黑其日用戊或申其服絺冕其獻三其樂靈鼓奏太簇歌應鍾
舞咸池其配以勾龍柱或易柱以棄自高辛唐虞而下禮有隆
殺祀則一而已夫邱陵墳衍表畷防庸且列祀典今秉持陰德
游揚元化奠民居粒民食若斯者非所謂有功則祀與而世人
臨政闕畧則馳驚於聲利猥瑣則拘攣於簿書又或逡巡避忌
靡所事事慢神褻祀以爲細故視公爲何如也公廉正仁敏由
丁未進士守衢移吾郡諸廢竝興此特其一者今晉湖廣按察
副使若丞番禹侯君國治倅關中段君在昆明周君儒理常熟
查君光述皆預贊翊而夏君儒實經度之董其事者則鄆邱丞
民感黃崗人銘曰赫赫明明靈典司土穀綏和烝黎著功南服稜
稜方壇在郡之西國典崇禋時報時祈蕪穢不治歲日滋久嗟
誰軫心越惟太守太守幾何公功實多有壇邱疑有廬星羅葩
深靜密神式惠顧播地之能篤天之祐雨暘時若災沴並蠲庇

佑我民於
萬斯年

風雲雷雨山川壇 府壇在甬東隅鄞縣壇以附郭未建延祐明志

洪武初改建城南甬水橋東築壇二丈五尺高二尺五寸坐子向

午四出陛午陛五級子卯酉陛皆三級門垣如社稷制中列風雲

雷雨之神左山川右城隍正統間重修後廢嘉靖三十五年知府

張正和鼎新之嘉靖志今惟壇存歲以春秋仲月上戊日致祭祭品

同社稷壇曹志

明戴鯨撰記按四明圖經與郡乘風雲雷雨境內山川神壇其
舊在城南甬水橋東北正統開守三山鄭路嘗治而飾之南向
中爲風雲雷雨左山川右城隍環壇樹以松柏門垣庖庫齋居
悉備涉歲且久漸致傾圯郡縣官屬散齋於野罔致潔虔神用
勿格旱暵札瘥民罔克艾南昌張侯先受撫臺之薦至則自衢
越明年二仲陳主而祭顧瞻杏嗟圖謀集議稽經諏典祀不可
緩在南則仍其故迹而一新之完其壇壝繚以周牆四門竝立
雲氣鬱蔥明宮齋廬尊卑有序神廚庫所悉加整嚴堂廊而容
室邃以密計其楹三十六度其墉千百尺仲春旣臨將事之夜
侯乃率寮采盛服執笏以入卽事小大協恭莫不競趨馨香上

通川嶽效靈甘澍興布五穀繁植民既有賴並受其福咸曰耿耿社哉是其所以大造於吾人者如此可不重與鯨聞之周禮壇壝屬之冬官庭燎共於司烜幄綬張於幕人六卿與事其禮不爲不重唐朝六典社稷異壇開元宰相之識精矣巽峯張侯本之經術以潤飾吏事教先廟學而及壇祀規制簡嚴氣象閎偉深得國家建立禮文之本意將與古之循良並麗金石庶幾遺風侯名正和字以禮嘉靖丁未進士前由司寇大夫出守衢州其政績卓著皆不可以不記

先農壇 城東十九都雍正四年建壇高二尺一寸寬二丈五尺

正殿五閒中奉先農神位東閒貯祭器西閒貯藉田米穀配房二

閒大門一閒藉田四畝九分每歲仲春部頒致祭日期祭品照社

稷壇例各官祭畢詣耕藉所行九推禮

曹志

里社壇 卽今土穀神祠坊隅鄉都隨地建設皆如里之數

嘉靖志

郡厲壇 北門外一里明洪武三年建壇高二尺五寸闊二丈南

向垣門庖福路備壇之東南立石刻御製祭文

嘉靖志

歲以清明中

元十月朔致祭先期導迎城隍神位於壇榜無祀鬼神而祭之祭

用羊三豕三飯米三石香燭酒紙隨用

曹志

鄉厲壇 附坊隅共五十六所鄉都共三百九十二所

嘉靖志

城中祠廟

府城隍廟 子城西南五十步梁貞明二年刺史沈承業建俗傳

神姓紀名信漢高帝死事之臣也

○案賓退錄慶元城隍神祀紀信

宋嘉定九年

攝守程覃奏賜額曰靈佑十三年火守俞建重建

寶慶志

元至大二

年又燬延祐七年重建明洪武二年封監察司民城隍威靈公

成化

志○案黃潤玉

三年去封號

黃潤玉記

四年燬守張琪徙建於握蘭坊

帝師殿故址

成化志

十四年稱甯波府城隍之神

黃記

正統三年知府

鄭珞重修十年知府陸奇肖像後殿宇傾壓成化元年知府張瓚

大爲修繕

成化志

後屢圯屢葺

嘉靖志

國朝康熙三十一年燬三十五年知府高啟桂重建

仇兆鰲碑記

雍正

四年重修歲以春秋仲月上戊日合祭於山川壇曹志乾隆五十一年

知府陳鍾琛鄞縣知縣錢維喬捐募民重修錢志道光十六年

士民吳鏗阮訓等募資重修周志同治三年又修探訪

明黃潤玉撰碑記明之為州本春秋於越甬東也山川包絡有金湯之固土壤衍沃無災厲之虞加之民俗淳龐雖中原喪亂恬然絕草竊狼烽之警故天下衣冠之避亂者多歸焉初秦郡會稽分縣甬東曰句章治在它山曰鄞治在鄞山曰鄞治在奉化漢晉宋齊梁陳因之隋平陳并鄞入句章唐武德中以句章為鄞州尋革為鄞縣開元末始置明州城句章之墟天寶初改為餘姚郡至德中復為明州大歷六年鄞縣被寇移治過鄞江即今之附郭鄞縣也時未有郡城隍神祠長慶改元州刺史韓察上言明州北臨鄞江地形卑隘請移置鄞縣乃徹舊城立子城於今治唐末天下大亂刺史黃公晟率鄉兵增築外羅城十八里以大之梁貞明二年郡守沈承業始建城隍神祠州為慶元府元初易府為路隍天下城隍之神皆封爵曰監察使司民城隍顯佑伯惟時廟祀隘陋莫稱洪武四年春正月廟災郡守張公琪以郡治東南握蘭坊故元帝師殿為廟以祀神期八十年於茲矣先是洪武三年五月詔命依古定制凡嶽鎮海濱並去其前代所封名號止以山水本名稱其神郡縣城隍神

號一體改正至十四年易明州為甯波乃改神號曰甯波府城
 隍之神禮也舊制凡命官親民於茲者視印之日必先期齋宿
 牲祭以與神誓曰予倘怠政奸貪陷害僚屬凌虐下民神其降
 殃至三載奏績去任而復官皆祭於神如初歲祀郡屬則又迎
 神以主之其享祀之盛非第社稷山川羣祀春秋歲徧而已祀
 典既盛神靈丕著禱即應感即通歲或雨暘愆期民必戚於神
 而神休於民者多矣今郡守陸公下車之明年歲旱公禱於神
 而天雨又明年歲旱復禱於神而天雨公光州人也由進士官
 戶部主事嘗有德於人立生祠於三河而鄆之父老感公之德
 者亦何敢一日而忘之惟公治民以仁事神以誠故神格而民
 信於是闔郡之民復請位城隍神之像於廟進衣冠而事之廟
 貌聿新威靈烜赫文武交賀士庶具瞻時正統乙丑十一月十
 日也載期丙寅公將獻績於朝知鄆縣事楊侯壽率士民請鐫
 文麗牲之碑以記廟貌所始公諾之屬筆於予予謹著其實而
 系之頌禱神詞俾明之人歌以祀神於無窮焉辭曰神之司兮
 城與隍民所祀兮保而防朝有命兮官斯邦神與誓兮陰鑒陽
 廉而明兮神降祥貪而暗兮神斯殃祀典昭兮昭兮與國無疆牲
 奠俎兮醪奠觴神來歆兮神來嘗時雨暘兮歲豐穰驅疫癘兮
 人壽康官斯邦兮祿位昌兵斯衛
 兮威武揚神歲歲兮其樂無央

縣城隍廟 邑附府故行禮亦附於府城隍 寶慶 元明皆未立

國朝乾隆三十四年始建於縣南大梁街 錢道光二十五年重修

周同治二年又修採訪

本府土地祠 府治內東南 嘉靖志

府學土地祠 學宮內西南 嘉靖志

本縣土地祠 縣治內東南 嘉靖志

縣學土地祠 學宮內東南 嘉靖志

重恩祠 縣治前古堊封坊之北 宋志 經綸閣舊在聽事西偏宋元

祐中宰邑者以前宰王安石登相位建祠於閣之下建炎四年燬

於兵紹興二十五年令王燧重建維揚徐度記○案記文載古蹟 乾道四

年令楊布移祠於閣之上後廢淳熙四年令桃柏徙建於宅堂之

北紹熙五年令吳泰初重建嘉定十七年令張公弼又建移於閣

北之西偏寶慶志 明時建於今縣治之前仍以經綸閣名即重恩祠

也崇禎六年重修爲重閣上祀宋邑宰王安石下祀明邑令王章

聞章令鄆有惠政後以御史死甲申之難時當三月十九日鄆人

歲於是日祭之

朱志

國朝屢經修葺更名書閣廟

○案書閣之名蓋取王忠烈記中荆公博學好古構傑閣讀書其中之語

咸豐十一年燬於兵同治七年重建

採訪

明邑令王章撰重修經綸閣記宋宰執荆公由鄆令起家博古好學構傑閣讀書其中凡鳩民詰戎入而平章軍國者卽其撫鄆時目箕歛而手簿書之緒餘也鄆民詠歌其德於棠茂所駐尸而祝之顏曰經綸閣表異也實以志愛也歲久閣圯盡淪瓦礫弔古者歎歎久之癸酉小春予治裝入計邑人王元等謀所以鼎新且爲予永思夫荆公相業實可堯舜其君惟執拘之識爲蜀洛諸公所嚮吏茲土者撫其遺風自當崇其畏壘若邱垤齊於泰山則顏甲萬重矣住僧焚修之暇欲以施茶廣緣當此火窖飛蛾稠煎日迫得分菩提甘露何莫非新法中一帖清涼散也如曰經綸世澤灑潤十方請還頌荆公以歌帝力

王荆公祠 縣治東八十步又名寔聖廟宋慶歷閒安石令鄆有

惠政民思而祀之

嘉靖志

明嘉靖二十四年邑令徐易徙建於鎮明

嶺上後建正學祠於其所仍歸舊地旋以先任郡守宏治之姜昂

正德之張津嘉靖之楊最曹誥沈愷附祀歲時郡邑致祭聞志後又

益以宏治之伍符嘉靖之魏良貴萬歷之戴新楊鍾英採訪○案

敏達碑雍正中敏達督浙嚴檄撤毀荆公祠

然荆公於鄞實有德政故其祠至今存也

明楊言撰遷建碑記郡治南數百步許崇阜數尺縱深六丈橫

佛像焉乙巳歲□□□□徐侯以尹邑來巡方至於斯見其跨

城中而特出且有鎮明之題迺登堂延佇良久因得所題意不

覺歎曰為治有經□□□□先建祠有典而崇正為尚何是之

舛也矧曰鎮明則人心之趨向風俗之轉移管是焉而迺崇釋

氏之教豈司風化者之所□□□□毅然有更易之意既而謁荆

公祠私念昔之召公因甘棠而興詠羊公以峴首而詒悲德在

一方則一方之人祠而奉之古也逮恤其他嘗閱明郡誌宋王

荆公臨川人慶歷間宰鄞好讀書為文二日一治縣事起堤堰

決陂塘立學校嚴保伍□□便之立祠以祀又閱郡守錢公輔

記介甫之令鄞也勸農務業區別善惡習俗不變鄉民父老思

之願立生祠以順人心□□□□□□□□之悲者舊祠

壘圯迺更置二憲署開宮宇湫隘且加之官吏停廢豈崇賢意

也遷之鎮明夫誰曰不然□□□□□□□□□□墨名儒

志好與名儒遊習聞儒說踴躍願從亟歸呼其徒□□與邑人柴

鍾劉珉權徙佛像於宮之南偏□□□□□□□□□□易新

丹雘輝映歲在戊申夏四月吉落成奉荆公居焉時東溪親臨

六

奠安手書扁曰宋王荊公祠重□□□且獨鎮明戶籍及沒官
地利歲時奉祀即命僧慧世守之嘉其歸也嗚呼此豈偶然之
故哉大抵明山勝地未始無靈雖□□□□□□於□蓋
有數存乎其間鎮明襟□□□□□□湖濱郡治而揖其南蓋一方
奇觀也而為佛氏所據者不知幾百年一旦□□□□□□荆公
祠□茲非勝地之□有得而廢與夫建祠而立德公也崇正而
黜邪勇也嘉浮屠氏之樂從不改其祠守恕也孟子曰經正則
庶民興又曰歸斯受之茲舉也人心之正風俗之美於是乎始
故特記之

案曰楊言之記碑刻尙存但閒有漫漶處錢志所載頗覺
點竄舊文今依原刻錄出漫漶者闕之

華樓廟

縣治東南半里

採訪

開明橋南祀鮑蓋

錢志

藥皇廟

縣治東南一里

採訪

沖虛觀左

國朝康熙四十七年商民捐資創建置田贍祭

曹志

尋燬乾隆六年

重建道光五年復撤而新之

趙存洵記

國朝趙存洵撰重修記炎帝神農氏本草經三卷始著於梁七錄
而漢志無之或疑為晚出之書然散見百家傳記者千寶云帝

以楮鞭鞭草木盡知其燥寒平毒之性製為醫藥以療民疾任
昉云太原神釜岡有帝嘗藥鼎焉司馬貞三皇紀羅必路史遂
據以補古史之闕今世祀為藥皇通都大邑俎豆而尸祝之所
在多有雖沿習俗烏得為無徵不信耶吾郡枕山臂江抱負滄
海固商旅輻輳之地而山川靈異鍾於物產入藥品者則有宜
洲山草見東方朔十洲記石燕見梅福四明山記海艾見王象
晉羣芳譜又若白附為唐貢物九節蒲之產月湖見於前人題
詠者尤夥以故藥商之列肆而居如遊五都之市而業於是即
其所以報本反始者亦不外於是此郡治太和坊東廟祀藥皇
所由來也按廟始於康熙戊子蓋即古冲虛觀廢址請於當道
而為之未幾遭鬱攸之災再造於乾隆辛酉嗣是節經修葺堂
廡門垣規制完整歷時既久司事者習聞詩人未雨之訓咨於
眾思益恢宏而翬奕之通鳩工庀材尺營寸度經始於今年仲
夏凡七閱月而歲事交梓貞珉易敝而為良焉重藥層構繼長
而增高焉斤者削者斲者礪者丹且聖者盡妍而極巧焉落成
之日增榮益觀莫不僮僮焉胸轉以遊翼拱以敬是不可不為
之記以垂諸久遠夫以帝之功德及民斷木為耜揉木為末易
有之矣以火紀官故為火師而火名傳有之矣調氣朔謹時祀
制請雨之法均國土之封其軼見於他說所以利濟萬世者不
惟醫藥一端然周官疾醫掌五藥月令仲夏蓄聚百藥良以天
時之有晦明風雨地利之有燥溼剛柔自非神靈首出不能驅
使草木以盡裁成輔相之道而躋斯世斯民於仁壽之宇古人
耕祭先農桑祭先蠶食祭先炊示不忘祀之云爾亦曰有其舉
至重者是役之舉亦曰有功德於民則祀之云爾亦曰有其舉

之莫敢廢也云爾抑近世陶篁村製廟碑曰藥王識者避之是記之沿舊額重違眾也司事者或顧名而思義當有以正厥稱矣不然何能調劑萬物而利益羣生也哉

火神殿 縣治東南一里亦稱炎帝宮採訪在右營教場乾隆二十

九年重建錢志道光元年復撤而新之四明談助

助海龍王廟 縣治東南一里採訪在三法卿相傳宋南渡時建錢志

神姓孔象山童翁浦人行第七案錢志云名七誤錢氏有吳越靜海鎮將

立廟於鎮宋建炎中車駕幸海道賜號顯靈寶慶志定海縣助海顯靈侯廟此廟

蓋其分祀

國朝乾隆五十年重修道光六年縣令孔龍章復修咸豐五年又

修採訪

明正廟 縣治東南一里許採訪明萬歷閒建錢志郡城隍神向係塑

像明洪武三年詔用木主郡人不忍毀其舊像移奉今地取聰明

正直之義名明正焉周志

祥符廟 縣治東南一里許採訪宋嘉定十三年祥符寺廢為民居

而里人適立社於河西遂稱祥符廟四明談助在三法卿街祀唐敕封

陳穆公之神錢志云在大沙泥街唐時建誤周志

英烈汶濟廟 縣治東南一里分祀鮑蓋採訪

烏樓廟 縣治東南一里採訪在泥橋巷分祀鮑蓋錢志

蓮花棚廟 縣治東南一里採訪在泥橋巷口大街錢志分祀鮑蓋周志

二境廟 縣治東南一里採訪在大池頭分祀鮑蓋錢志

東殿廟 縣治東南一里採訪○案延祐團橋裏成化志分祀鮑蓋

錢志

天王廟 縣治東南一里採訪廟有二前天王廟在海神廟西衝後

天王廟在太平巷周志東壽昌寺燬廢為民居此廟即祀寺中天王

也敬止
錄

海神廟

縣治東南一里鹹塘匯相傳神姓羅名清宗修黃白飛

昇統海中諸龍禱雨輒應舊在東渡門裏元至正閒遷祀於此志聞

案敬止錄云明洪武初以其地爲都稅務因遷廟於今處乃宋威果全捷營基地也二說不同

國朝乾隆五十二年重修錢志道光二十九年又修周志

都土地廟

縣治東南二里君子營探訪

神姓張名憲宋時建錢志舊

在三法卿東首

國朝同治十年移建今地

探訪

石版廟

縣治東南二里許

探訪

明萬歷閒建

錢志

祀金木水火土穀

六府之神

周志

護城廟

縣治東南二里

探訪

靈橋門內康熙閒重修

錢志

道光十六

年又修一在望京門內社壇橋明萬歷閒建皆祀關廂之神

周志